

جریدہ علمیہ

مشینت جلید اسلامیک جریڈہ رسمیت سید
محرم الحرام ۱۳۳۸

عدد ۴۹

آیدہ بر نشر اول نور

بشقی سنہ

فتاویٰ شریفه

زید صغیرہ قاضی عمروی وصی نصب ایتد کدنصکرہ زید رشید اولدینی حالده بالغ اولدقدہ
عمروک یدندہ اولان مالی عمرودن آلمغه قادر اولورمی الجواب اولور
بوصورتده زید بالغ ورشید اولدقدنصکرہ بعض اشیائی بکرہ بیع ایلسه مجرد رشدمه
حکم شرعی اولدین واقع اولان بیع صحیح اولماقله اشیاء مزبورہ بی بکردن آلورم دیمکه
قادر اولورمی الجواب اولماز

هند اوغلی زیدک قری اولوب وارثی اولمیان زینبه فوتمدنصکرہ مالمدن شوقدرغروش
ویرلسون دیو وصیت ایتد کدنصکرہ مصره فوت اولسه ثلث مساعد ایکن ورثه سی
وصیتی طوتمامغه قادر اولورلرمی الجواب اولمازلر .

زید ملک تخمینی عمروک عرصه سنده تغلباً نفسی چون زرع ایتد کدنصکرہ نابت اولوب
ایکن ادراک ایلسه زید نقصان ارضی عمروه ضامن اولوب اکئی آلق استدکده عمرو
مجرد عرصه مده زرع اولتمقله ایکن بنم اولمش اولور دیو اکئی آلمغه قادر اولورمی
الجواب اولماز .

یدی یاشنده اولان هند صغیره نک حق حضانه سی باباسی زیدک اولیوب اناسنک آناسی
زینبک اولورمی الجواب اولور .

زوجی اولمیان هند فقیره نک اوغلی زید موسنردن غیری کمسنه سی اولماسه هندک نفقه سی
زید اوززینه لازمه اولورمی الجواب اولور .

بو صورتده زید هندی بن اطعام ایدرم وکندوسنه مستقلاً بشقه جه بر شی ویرمام
دیسه زیدک بوکلامی ملتفت الیه اولورمی الجواب اولمازلر .

اجرت ایله خدمت ایدر مقوله سندن اولان زید اجرت قولنسز عمروک طلیله برمدت
عمروه خدمت ایلسه زید خدمتک اجر مثلی عمرودن آلمغه قادر اولورمی الجواب
اولور .

زید شو قدر آقچه سی عمروه ایداع وتسلیم ایتد کدنصکرہ عمرو مبلغ مزبورک بر
مقدارینی فضولاً آخره اقراض وتسلیم ایلسه زید مجیز اولیوب اولمقداری عمروه تضمینه
قادر اولورمی الجواب اولور

زید شو قدر اشیائی زوجه سی هند هه ایدوب بعده تسلیم و قبض بولمادین زید فوت اولسه هه مزبورده باطله اولورمی الجواب اولور .

زید هندی تزوج ایتد کدنصره هند وقت تزوجدن آلتی آیدن اقلده برولد طوغورسه اول ولدک نسبی زیددن ثابت اولورمی الجواب اولماز .

بوصورتده زید فوت اولدقده ولد مزبور زیده وارث اولورمی الجواب اولماز . هند معسره نك زوجی زید دخی معسر اولدقده هندك زوج آخردن اولان اوغلی

عمرو موسر اوزرینه نفقه سی لازم اولورمی الجواب اولور . بوصورتده بعدذا زید موسر اولدقده عمرو نفقه یه اولان مصر و فیه زیده رجوعه

قادر اولورمی الجواب اولور . زید فوت اولوب زوجه سی هندی و آخر دیارده اولان سائر ورثه سی ترك ایتد کدم

تركة زیدك جمله سی زیدك وصیتی عمرو تغلباً قبض ایلسه هند ترکه دن مهری و ماعدادن حصه سی عمرو دن آلمغه قاید اولورمی الجواب اولور .

ارادتک النده اولسون دیمك امراك بیدك معاینه متعارف اولیوب طلاق زوجه ده متعارف اولان بلده اهالیسندن زید مذاکره طلاق ائساننده زوجه سی هند ارادتک النده

اولسون دیسه هند زیددن باین طلاق بوش اولورمی الجواب اولور . زید مفقودك حقیقه یا حکماً موتی ثابت اولمدين زوجه سی هند نفسی آخرد تزویجه

قادر اولورمی الجواب اولماز . زید زوجه سی هندك قیزی زینك قیزی اولوب مشتهاء اولان خدیجه نك اعضا سندن

برعضوینه شهوت ایله مس ایلسه هند زیده حرام اولورمی الجواب اولور . زید آخر دیاره کیتد کدن صکره زوجه مدخول بهاسی هنده معنون و مرسوم مکتوب

یازوب مکتوبنده بوش اول دیو تحریر و مکتوبی هنده ارسال ایلسه واقع اولان طلاق باین اولیوب رجعی اولورمی الجواب اولور .

زید زوجه سی هنده اوچ طلاق بوش اول دیسه زید هندی بلا حله تزوجه قادر اولورمی الجواب اولماز .

زید مفقودك حقیقه یا حکماً موتی ثابت اولمدين ورثه سی مالی اقسامه قادر اولورلرمی الجواب اولمازلر .

زید زوجه‌سی هنده فلان فعلی اشلر ایسه‌ک اوج طلاق بوش اول دیدکدنصکره هند
اول فعلی اشلمدین زید هندی بر طلاق ایله تطلیق ایدوب عدتی منقضیه اولدقدنصکره
هند اول فعلی اشلوب بعده هندی تروج ایسه هند اول فعلی ینه اشلجک شرط مزبوره
بناءً هند زیددن بوش اولورمی . الجواب اولماز .

تبعه دولتعلیه اسلامیه‌دن غیر مسلمه اولان هند فوت اولوب هریری تبعه مشارالیه
دنی غیر مسلم اولان زوجی زیدی و آناسی زینی ولا بوین قیز قرنداشی خدیجه‌یی ترک
ایتدکده ترکه هند سکیز سهمدن اولوب اوچر سهمی زید و خدیجه‌یه ایکی سهمی زینه
ویرلسه صحیح اولورمی . الجواب اولور .

بوصورتده هندک تبعه اجنبیه‌دن اولان قرنداشی دخی هنده وارث اولورمی . الجواب
اولماز .

زید نسباً قرنداشی عمروک رضاعاً قیز قرنداشی هندک نسباً قزی زینی تروج مراد
ایتدکده هند وزینب زیدک والده‌سی امشدر اولماحق زینی تروج جائز اولورمی . الجواب
اولور .

زید مسلم کتابیه اولان هندی تروج ایتک جائز اولوب لکن ایتمک اولی اولورمی
الجواب اولور .

زید و هند صغیر و فقیرلر اولوب بابالرینک باباسی عمرودن غیری کمنه‌لری اولماسه
صغیرلرک نفقه‌لری عمرو اوزرینه لازم اولورمی . الجواب اولور .

زید هندی شو قدر غروش مهر تسمیه‌سیله تروج ایتدکدنصکره هند فوت اولوب
زیدی و سائر ورثه‌سی ترک ایسه سائر ورثه مهر مزبوردن حصه‌لری زیددن آلمغه قادر
اولورلرمی . الجواب اولور .

زید زوجه‌سی هندک آناسی زینی شهوتله مس ایسه هند زیده حرام اولورمی
الجواب اولور .

هند متقه فوت اولوب آنحق زوجی زیدی ترک ایتدکده ترکه هندک نصفی زیده
ویریلوب نصف آخری بیت الماله وضع اولمق لازم اولورمی . الجواب اولور .

بوصورتده هندی آزاد ایدن عمروک لابوین قیز قرنداشی اولادی دخی هنده وارث
اولورلرمی . الجواب اولمازلر .

زید وصیسی اولدینی عمر وصغیرک ملک منزلی بکره بیع وتسلیم ایتد کد نصکره عمرو بالغ اولوب بکردن زید منزلی بلا مسوغ شرعی بیع ایتشیدی دیودعوی ایتد کده بکر ضرورت نفقهک ایچون بیع ایتشیدی دیسه عمرو بتم نفقه مه وافیة منقولاتم وار ایکن بیع ایتشیدی دیو دعوی ومدعلسنه وجه شرعی اوزره اقامت بینه اید یجک منزلی بکردن المغه قادر اولورمی الجواب اولور .

زید اوکی آناسی هندک قیز قرنداشی زینی تزوج ایتک جائز اولورمی الجواب اولور .

زید و عمرو بروقف عرصه یه اجاره معجله ومؤجله ایله متصرفلر ایکن زید حصه سنی اذن متولی ایله بکره فراغ بکر دخی ضبط ایلسه عمرو مجرد بن زیدک شریکی اولمعله فراغه اولایم دیو اول حصه یه مداخله یه قادر اولورمی الجواب اولماز .

زید رضاغا قز قرنداشی هندک نسباً قزینک قزی زینی تزوج جائز اولورمی الجواب اولماز .

زید محنتده اراضی امیری دن طابو ومقاطعه ایله تصرفده اولان عرصه ده مغروسه اولان ملک کرومنی صغیر اوغلی عمرو د سنتلک نامنه هیه واعلام واشهاد ایتد کد نصکره زید فوت اولسه سائر ورثه سی هیه یی طومتامغه قادر اولورلرمی الجواب اولمازلر .

زید رضاغا قز قرنداشی عمروک نسباً قز قرنداشی هندی تزوج مراد ایتد کده هند زیدک والده سنه امش اولمایحق هندی تزوج ایتک جائز اولورمی الجواب اولور .

زید زوجه سی هندی بلا نفقه براغوب آخر دیاره کیمکله هند قاضی یه واروب زید اوزرینه کندویه قدر معروف یومی شوقدر آچقه نفقه تقدیر ایتدیروب بعده مدت کندی مالیه کچنسه زید کاد کده هند نفقه مقدره نی زیددن المغه قادره اولورمی الجواب اولور .

هند غیر مسلمه فوت اولد کده مسلملر اولان قرنداشی اولادی هنده وارث اولورلرمی الجواب اولمازلر .

هند زوج مطلق زیددن آلوب خضانه سنده اولان صغیره قزی زینی برمدت کندی طعامندن تبرعاً اتفاق ایلسه هندوجه محرر اوزره اتفاقچون زیددن نفقه بها نامنه سنه المغه قادره اولورمی الجواب اولماز .

زیدك اوغلی عمرو مستقلاً تجارت ایدوب بر مقدار مال تحصیل ایتد کدنصکره زید فوت اولوب عمروی وسائر ورثه سی ترک ایلسه سائر ورثه عمروه بابا صاغلنده اوغلك مالی اولماز دیوب مال مزبورى میراثه ادخاله قادر اولورلری جواب اولماز .

زید عمرو ایله علی الاشتراك مالک اولدینی اچقه ایله نفسیچون بر باغچه اشترا ایلسه زید مبلغ مزبور دن حصه سی عمروه ضامن اولورکن عمرو آلیوب اول باغچه ده ساکن مشارک اولورم دیمکه قادر اولورمی جواب اولماز .

زید الله ایله عهدم اولسون فلان فعلی ایشلمه ییم دیوب بعده اول فعلی ایشله زید کفارت یمین لازمه اولورمی جواب اولور .

زید و عمرو شرکت عنان ایله شریکله ایکن زید مال شرکتی اعمال ایدوب شو قدر فائده حاصله اولدقده جمله فائده یی زید قبض ایلسه عمرو حصه سی طلب ایتدکده زید مجرد عمل ایله حاصله اولدی دیو ویرمامکه قادر اولورمی جواب اولماز .

زیدك زوجه مطلقه سی هند زیدك اوزرینه نفقه تقدیر ایتدیرمدین عدتی منقضیه اولسه هند زیددن نفقه عدت نامنه نسه آلمغه قادره اولورمی جواب اولماز .

زید فوت اولوب آنجق زوجه سی هندی ترک ایتدکده هند ترک زیددن زید ذمته اولان مهرینی و ماعدادن ربیع حصه سی آلوب باقیسی بیت المالیه وضع اولتیق لازم اولورمی جواب اولور .

زید عمرو ایله علی الاشتراك اجارتین ایله متصرف اولدینی وقف منزلده بر مدت تغلباً مستقلاً ساکن اولسه عمرو مدت مزبور دن منزلدن حصه سنك اجر مثانی توکیل متولی ایله وقف ایچون زیددن آلمغه قادر اولورمی جواب اولور .

زید آناسنك رضاعاً قز قزندانسی هندی تزوج ایتك جائز اولورمی جواب اولماز .

زید عمرو دن شو قدر غروش قرض آلوب استهلاک ایتد کدنصکره عمرو ویردیکی غروشلك مثللرینی زیددن طلب ایتدکده زید ویرمیوب مقابله سنه شو قدر منقر آل دیمکه قادر اولورمی جواب اولماز .

زید زوجه سی هندی تطلیق ایتد کدنصکره بعد انقضاء العدة زید هندك قز قزندانسی زینی تزوج ایتك جائز اولورمی جواب اولور .

زید مسلم زوجه سی هند مسلمیه (بره دین و ایمانی فلان ایتدیکم) دیو جماع لفظیه

شتم ایلسه زیده تجدید ایمان و نکاح و تعذیر اولفق لازم اولورمی **الجواب اولور .**
 زید عمرو ایله عقد مزارعه صحیحه ایدوب زراعت ایتدکاری محصولی قالدیردقلرندنصکره
 یرنده تنائر ایدوب باقی قالان حبوباتده سنه آتیهده برینک سقیی اولقمسزین حاصل اولان

ایکین ینلرنده کالاول مشترک اولورمی **الجواب اولور .**
 زید باباسی عمروک عیالنده ایکن عمروه کار و کسبنده مناوت ایدوب بر مقدار مال
 حاصل اولسه زید اول مالده عمروه مشارکته قادر اولورمی **الجواب اولور .**
 زید زوجه مدخول بهاسی هنده بوش اول دیسه واقع اولان طلاق باین اولیوب

ترجی اولورمی **الجواب اولور .**
 زیدک عمرو ذمتده قرضدن اولان شوقدر غروشنه بکر بوکوندن شوقدر کون تمامنه
 دک موقتاً کفیل اولدقدنصکره زید مبلغ مزبوری بکردن طلب ایتدکده بکر بر قاج
 کون تأخیر ایله دیو زیدی اغفال ایدوب اولقددر کون مرور ایتدکله بکر کفالتدن خلاص
 اولسه زید مجزدر بی اغفال ایلدک دیوب مبلغ مزبوری بکردن آلفه قادر اولورمی
الجواب اولماز .

ایکی یاشنی تجاوزله یکرمی آلتی آیلق اولان زید صغیری هندک والدهسی زینب ارضاع
 ایلسه زید هندی تزوج ایتدک جائز اولورمی **الجواب اولور .**
 زید زوجهسی هندی واولاد صفارینی بلا نفقه براغوب آخر دیاره کیدوب خرجلاق
 دخی کوندرماسه زیدک باباسی عمرو موسر زیده رجوع ایتدک اوزره هندی و صفاری اتفاق
 ایتدکه مجبور اولورمی **الجواب اولور .**

هند صغیره بی ولی اقربی لاب عمی زید مهر مثلیله کفوی عمروه شهود محضر لرنده تزویج
 ایتدکدنصکره هند قبل البلوغ فوت اولسه زید هنده وارث اولورمی **الجواب اولور .**
 نصرانیه اولان هند زوج مطلق زید مسلمان متولد صغیر اوغلی عمروی بحق الخضانه
 امساک اوزره ایکن الف کفر خوفی اولیحق مسلماندن صغیرک خاضنه اخراسی اولماسه
 زید عمری هنددن آلفه قادر اولورمی **الجواب اولور .**

زید مرض موشده وارثی اولمیان قرنداش اوغلی عمروه بعض اشیا سی هبه و تسلیم
 ایتدکدنصکره زید فوت اولسه ثلث مساعد ایکن ورثه سی هبه بی طو تمامغه قادر اولورلرمی
الجواب اولمازلر .

فی زماننا ایادی ناسده متداول نقد مقامه قائم رائج ثمن عد اولان قائمه دن قیستی
نضاب شرعی به بالغ مقداره مالک اولان زید اوزرینه بعد حولان الحول اول قائمه ایچون
زکوة واجبه اولورمی . الجواب اولور .

بوصورتنده زید بوجه محرر مالک اولدینی قائمه نك زکاتی قائمه مزبورده دن ادا ایلسه
خدمتندن فرض زکوة ساقط اولورمی . الجواب اولور .

۵ مایس ۱۳۳۸ فتوا خانه عالی باش مسودی

محمد احمد



جزائر بحر سفید مأمورین علمیه و شرعیه سی معاشاتنک

صورت تسویه سی حقننده قرارنامه

محمد وحید الدین

ماده : ۱ جزائر بحر سفید مأمورین علمیه و شرعیه سندن وظیفه لری باشنده قالمش

اولانلرک معاشاتی کماکان علمیه بودجه سنک ۲۲۰ نجی فصلندن تسویه قلنه جقدر .

ماده : ۲ ۱ حزران سنه ۱۳۳۵ تاریخندن اعتباراً مرعی اوله جق اولان اشبو

قرارنامه نك اجرای احکامنه شیخ الاسلام و مالیه ناظری مأموردر .

مجلس عمومینک اجتماعده قانونیتی تکلیف ایدملک اوزره اشبو قرارنامه نك موقع مرعیه

وضعتی اراده ایلدم .

۲۲ محرم سنه ۱۳۳۸ و ۱۸ تشرین اول سنه ۱۳۳۵

داخلیه ناظری	خارجیه ناظری	مجلس وکلايه مأمور اعیانندن	شیخ الاسلام	صدراعظم
محمد شریف	مصطفی رشید	توفیق	ابراهیم الحیدری	علی رضا
مالیه ناظری	عدلیه ناظری	شورای دولت رئیس	بحریه ناظری	حریه ناظری
توفیق	مصطفی نوری	عبدالرحمن شرف	صالح خلوصی	جمال
معارف ناظری و اوقاف هیون ناظر وکیل		تجارت و زراعت ناظری	نافعه ناظری	عبدوق احمد
سعيد		محمد هادی		